



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

279. Herzog Albrecht von Mecklenburg verpflichtet sich, wenn ihm in der
Landestheilung mit seinem Bruder Lübs nicht zufallen sollte, seiner
Gemahlin Anna ein anderes Schloß zum Leibgedinge zu ...

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

279. Herzog Albrecht von Mecklenburg verpflichtet sich, wenn ihm in der Landestheilung mit seinem Bruder Lübs nicht zufallen sollte, seiner Gemahlin Anna ein anderes Schloß zum Leibgedinge zu verschreiben, am 8. März 1526.

Wyr Albrecht, von gots gnaden Hertzogk zu Meckelnburg, Furst zu wenden, Graue zu Schwerin, Rostogk vnd Stargarden der lande herre, Bekennen vnd thun kundt offentlich mit diesem briue vor vns, vnser erben vnd sonst vor allermeniglich, Als wir die Hochgeborne furstyn, frawen Annen, geborne Marggrefin zu Brandenburg, hertzogin zu Meckelenburgk etc., vnser freuntliche liebe gemahel, Nach meldung der Heyrats beredung vnnnd briue daruber ergangen mit vnserem Schloß Luptz zu einer furstlichen wanung vnd darzu vff desselben Schloßs nutzungen, zugehorungen, Auch in vnseren Ampten Buckow, Goltperg vnd Crewitz vf den gewissen vnuerpfanten guttern, pechten, zinsen vnd nutzungen funftausent gulden jerlichs einkommens zu einen rechten Leipgeding vormacht, vorschrieben, bewilligt vnnnd vorwissen haben, jnhalts des vormechnus vnnnd beleipgedingbriues daruber von vns jr lieben gegeben, vnd so aber zwischen dem Hochgebornen fursten, herren Heinrichen, Hertzogen zu Meckelnburg etc., vnserem freuntlichen lieben Bruder vnd vns vnser landt vnd leut halben kein erbliche teylung gescheen ist, sonder noch gescheen sol, Das wir vns vor vns vnd vnser erben vorpflicht, vorschrieben vnd bewilligt haben, Vorpflichten, vorschreiben vnnnd bewilligen vor vns vnnnd vnser erben in krafft vnd macht dits briues, Also wo in der erblichen teylung, so zwischen vnserm freuntlichen bruder Hertzog Heinrichen von Meckelnburg etc. vnnnd vns gescheen sol, die gnanten Schloßs mit jren nutzungen vnd zugehorungen, so vnser freuntlichen lieben gemahel zu irer Leiptzucht vorschrieben, Genantem vnserem lieben Bruder zu seinem teyl zufallen wurden, das wir oder vnser erben von vnserem theil, so vns zukommen wirt, Als dann in dreyen Monats fristen on alle vortzogerung, einrede vnd behelff ein ander Furstliche wanung, die dem Schloß Luptz gleich sol sein, vnnnd dazu funff tausend gulden an gewissen vnuorpfanten zinsen, Pechten, Nuttungen vnnnd zugehorungen in der widerung vnd in dem Anschlag an korne, fischereien, holttungen vnd allem anderen On abgang, in massen die itzige Leiptzucht vnd vormechnus vorforget, vnser freuntlichen lieben gemahel widerumb zu Leipgeding vormachen, vorweyßen Vnd mit notturftigen vorschreibungen vorsehen vnd vorforgen sollen vnd wollen, alles getreulich vnd vngeuerlich. Vnd des zu warem vrkunt haben wir vnser insiegel an diesen brief thun hengen vnnnd mit vnser handt vnderscrieben. Datum Coln an der Sprew, am Donnerstag nach dem Sonntag Oculi, Christi vnser Herren geburt Taufent funfhundert, darnach jm Sechs vnd zweintzigsten Jare.

Albrecht, Hertzog zu Meckelnburg;
manu propria subscript.